

『國家社會科學基金重大項目（11&ZD119）』

中國人民大學佛教與宗教學理論研究所

何建明 主編

中國地方志
佛道教文獻匯纂

寺
觀
卷

（175）



國家圖書館出版社


中國地方志佛道教文獻匯纂·寺觀卷

安徽省 安慶市

宿松縣志

清·鄔正階 鄭敦亮修 石葆元 汪景祥等纂
清道光八年（一八二八）刻本





宿松縣志卷二

輿地志二

山川

山嶺 墩附

松山互障西北遞分脈絡有三其中正北爲嚴恭山自蘄
州界三面尖分脈趨本邑西源山老岡嶺迤邐而來縣治
祖山也凡東南諸山皆胎息於此若橫山鑿山乃其支中

之幹小孤則秀甲寰區迤北而東白崖石門崢嶸屹立逾數十里次列平岡多由太湖蜿蜒入境西若小隘嶺下至河西水口諸山皆發脈於蘄黃此山之大綱東西氣脈俱以河界之中則越長河至江始盡掇其尤者著於編

嚴恭山縣北三十里爲縣治祖山

唐武德四年改宿松縣爲嚴州以此得名

唐書地理志

山在縣北三十里環互十餘里出蒼朮

統志

大清一統志

明一

山高五里脈出蘄州界至安坪蜿蜒二里許橫互入雲者爲雲

天嶺嶺斷峰起形如紗弁峰半爲錫杖坪旁有禪椅石五祖跌

坐處坪前過峽如橋

形家謂仙橋過脈舊悞爲玉泉橋

一峰斗峙爲玉屏峰明

巡撫史可法建淳風堡于此有四顧雲天倚玉屏之句峰右出

脈發縣治左腋二菴

上龍王殿下淨因禪林

前有石殿棟楣皆石工巧天

成殿前爲鉢孟峰峰前有石曰印心石旁有玉泉橋

一名雨花橋乾隆閒

廩生陳衍倡修有碑記

橋上石井曰玉泉井飛瀑噴薄水趨泊湖倚橋一

石斜挂鱗鬣有乘雲乍起之勢曰鯉魚石其側方石爲槌衣石

大滿祖師偈云草衣不著花霜碓空自立隨意洗清泉輕衫曾

未溼橋前數百武有白猿洞洞門一石叩之如鼓其聲逢逢曰

打鼓石橋右一石高數尋狀如人立相傳爲修真者所化名石

道峰

見十景

藥臼丹竈遺蹟宛然石西有峽如刀劃成深曲而狹

可通人行中鐫流雲峽三字循峽而北半壁微凹如佛龕狀中

有小石道像祈雨輒應上有異木一株生石罅葉似杜鵑花不

一色應科名

黃鶴上下有中天壁立四字見占蹟冊

紅赤吉

朱志

採訪

東南條

鑿山由橫山趨此相對如列屏縣互十里許爲東南少祖山

山在縣東十五里周三十里有仙洞洞口石磴陡隘入後豁
敞可容千人底有大河竅通江海一統志

空洞邃奧外糲中綺口懸石磴敲側陡隘入後豁敞底有大河
頂劈石窗壁具龕鑪花木鳥獸狀複洞蟬聯疊瀨響答時有笛
韻莫竟其端有資福寺三仙菴多名勝又龍王菴旱時雨先他
處朱志 採訪冊

金塘

舊作唐

山距縣七十里

昔金唐二祖師道場

江南通志

府志

朱志

山麓有塘相傳得窖金於此

孫志

採訪冊

西南條

河西山距縣四里

縣西角石如虎蹲與南臺山對南卑西崇議者每欲建塔於南
以壓之惜逡巡未就山左一菴鐘鼓聲振若虎咆哮致西關城
南屢火康熙壬戌邑令朱卷捐俸撤移以弭後患

朱志

寺觀菴

周穆王爲杜沖脩靈宅漢明帝於城門外立精舍以處摩騰此寺觀之始也黃冠緇流所崇奉君子擯焉卽其在茲土者存之以與山川名物而俱古耳

朱志

寺

東禪寺在治左相傳神秀禪師出家雙峰東山寺爲五祖所器重後至宿松曰吾紹東山之禪開法於此故名一作大通禪師道場唐天寶三年重建元末燬明洪武元年復建景泰天順宏治歷有建修崇禎乙亥又燬僧建後殿 國朝順治己亥建大殿山門

志

府志

朱志

福昌寺在東郭外孚玉山麓唐水光祖師建後燬明洪武三年重

建成化丙午增修敎諭黃巽記萬歷丙辰邑紳金忠士移至西建
大雄前殿卽七祖殿址崇禎戊辰於後建大士殿及僧舍廚室
國朝順治庚子增修乾隆庚戌嘉慶己卯疊修道光癸未於大士
殿後改立文昌殿邑廩生石效靈有碑記在殿壁

通志

府志

朱志

採訪冊

殊勝寺在福昌寺東有觀面廬山斜陽老寺龍湖雪鏡孚玉雲屏
四景多題詠舊爲觀音堂續圯順治乙未知縣孫繼文率鄉耆李
應昇朱庭柏葉應祥劉光祖袁可保洪一鶯重建大士殿及後殿
廊廡禪室僧廚次第完葺前祀關帝嘉慶庚辰火延殿宇神像獨
存道光二年監生田瑞穀廩生石效靈等募捐改建增修後殿

朱

志

採訪冊

資福寺在治東十五里鑿山北唐建明萬歷己卯邑人何模劉琳等重建舊爲北山精舍大士羅漢像塑自唐甚古明末燬國朝順治閒楚水古禪師興立叢林師孤高絕俗知縣王民俾甚敬禮之後寺僧募貲繼修

通志

朱志

寶相寺在治東二十里白馬河三祖燦大師建師當後周毀法隱此嘗著信心銘刻石寺壁元末燬明洪武八年重建後圯國朝康熙丁巳知縣胡永昌捐貲復建

通志

府志

朱志

月山寺在治東四十里宋建明洪武三年重建寺旁皆叢竹崇禎末正殿燬國朝順治初重建續經疊修

通志

府志

朱志

界牌寺在治東四十五里唐天寶元年水光祖師建明宣德八年脩泊湖水尾至寺東止爲宿松望江分水界去寺十餘里曰楓林

青其外爲宿松太湖陸界

府志

朱志

興化寺在治東五十里宋伏虎禪師建元初重建元祐庚申脩明

宏治庚申知縣施溥給貲建方丈五間崇禎九年重建大殿

府志

朱志

柘林寺在治東八十里唐貞觀二年建明宣德七年重建見舊志

今無可考

通志

府志

朱志

南池寺在治東九十里畢家嶺宋澤公禪師建元僧天映重建見

魯國公趙世延碑記

其碑殘缺
記見藝文

明洪武初重修後燬景泰庚午重

建復燬中殿獨存

國朝順治閒釋荆山建後殿續經疊修

府志

朱志

南臺寺在治南三里唐建明成化庚子重建萬歷丁巳改建國

朝順治間重修昔李白避地至此築讀書臺于傍因名

通志 府

志 朱志

報恩寺在治南十五里宋建明洪武十二年重建後燬

國朝康

熙十八年知縣胡永昌捐貲重建乾隆二十七年重修

通志 府

志 朱志 採訪冊

忠節寺在治東南五十里洿池晉遠公祖師建

府志作慧遠禪師

明正統

三年重建宏治戊午重修

國朝康熙丁未邑庠吳士珩建準提

禪堂後廢壬戌邑庠生夏琴乾隆庚子監生陳思睿道光壬午監

生何汝翼夏嵩等疊經募修

通志 朱志 採訪冊

祖堂寺在治西十五里宋建明成化九年重修

通志 朱志

彌勒寺在治西二十里梁建明洪武甲寅重修

府志 朱志

然燈寺在治西三十里昔有金像飛來古異莫測明萬歷壬子年

建崇禎末燬

國朝順治辛卯知縣孫繼文捐貲重建

通志 府

志

朱志

按通志作唐金二祖師建

大梵寺在治西四十里唐建明成化丙午重修

國朝順治甲午

知縣孫繼文捐修唐塑大士像尙存舊有香火田地并池塘

通志

府志

朱志

靈隱寺在治西北十里唐馬祖建

一作道一禪師道場

德滋禪師相繼說法

語載傳燈錄明萬歷閒寺圯壞前有鳳凰山巒小而曲今精舍寄

焉 國朝康熙乙巳知縣王民皞加葺馬祖殿于此有德滋靈塔

在塔兒鳴見古蹟

府志 朱志

龍山寺在治西北十五里梁建明成化二十年重建 國朝順治

甲午重修

通志

府志

朱志

西林寺在治西北三十五里晉永和九年祐祖禪師建元末燬明
洪武閒重建末又燬國朝順治丙戌重建後殿正殿未復石磔
尙存徑四尺許

通志

府志

朱志

東林寺在治西北四十里西源山口晉永和初建唐貞觀二年護

法祖師

府志作
禪師

重建有古塔石船梅坪蓮池合掌石虎溪橋挂錫

樹飛翠巖諸勝元末燬明歷有建修末又燬國朝順治十三年

重建十六年請釋智諳主法席造禪堂方丈香廚山門贖回香火

田數十畝知縣王民皞捐助有詒

通志

朱志

妙勝寺一名韭山寺在治北二十里宋嘉祐閒建明洪武四年重

建國朝康熙壬子修有鳳凰塔見古蹟

通志

府志

朱志